

## АНДИЖОНДА ИЧКИ ИШЛАР ХОДИМЛАРИ ТОМОРҚА ВА ОБОДОНЛАШТИРИШ ИШЛАРИДА АҲОЛИГА КЎМАКЛАШМОҚДА



Барча худудларда бўлгани каби Андижон вилоятида ҳам Ўзбекистон Президенти Шавкат Мирзиёев томонидан 2019 йилнинг 22 февраляда ўтказилган солик концепцияси ижроси ва томорқадан самарали фойдаланиш ва баҳорги экин ишлари мухокамасига бағишлиланган видеоселектор йиғилишида берган топшириклари ижроси бўйича муайян ишлар амалга оширилмоқда. Бунда ички ишлар ходимлари ҳам фаол иштирок этмоқда, дея хабар бермокда вилоят ИИБ матбуот хизмати.

Хусусан, Андижон туманидаги 3-секторга қарашли Чўнбоғиш маҳалласида туман ички ишлар бўлими ходимлари тааллуқли идоралар, туман фермер ва дехқон хўжаликлари уюшмаси, маҳалла фуқаролар йиғинлари ходимларидан иборат ишчи гурухлари аъзолари билан хонадонларга кириб бориб, хукуматимиз яратиб бераётган имкониятлардан унумли фойдаланиш, янгитдан иш бошлаш, томорқа хўжалигини янада ривожлантириш борасида йўл-йўриқ маслаҳат беришяпти, хуқуқий ва амалий ёрдам кўрсатишаётпи.

Жума масжиди кўчасида яшовчи 67 ёшли Исмоилжон Зулунов меҳнатни севадиган киши. Хонадонидаги 2 сотих экин майдонини кам демасдан, ерга сабзавот ва кўкатларни экиб даромад топишни биладиганлардан. Унинг айтишича, ўтган йилда олинган ҳосилдорлик натижасида озиқ-овқатга сарфланадиган пул яхшигина иқтисод қилинди ва курилиш ишларига сарфланган.

Исмоилжон аканинг қўшниси бўлган Мамлакатхон Мажидова эса хар бир каричдан унумли фойдаланадиганлардан.

- Хонадонимизнинг олд қисми мевали дараҳтлар билан тўлгани сабабли уларнинг тагига мош, ловия экмоқчимиз, - дейди Мамлакатхон опа. – Асфальт олдидаги бир метрлик ерни эса турли гул кўчатлари билан тўлдириш истагимиз бор.

Ушбу маҳаллада яшовчи Майрамхон ая Ҳоликжонова ва Фазлиддин Ғойибназаровлар хонадонида ҳам ишлар авжида. Ишчи гуруҳ аъзолари томонидан уларни маҳалладошларига намуна қилиб кўрсатишинатижасидауз томорқасига эътиборсиз бўлган фуқаролар ҳам хонадонларида баҳорги ишларни бошлаб юборишиди.

- Бундан ташқари сектор қошида ташкил этилган кўнгилли гуруҳлар кам таъминланган, бокувчинини ўйқотган ва имконияти чекланган фуқароларнинг хонадонларида ободонлаштириш ва таъмирлаш ишларидаги ҳам кўмаклашмоқда, - дейди туман ИИБ бошлиғи биринчи ўринбосари Жасур Худойбердиев. - Томорқаларда дехқончилик ва паррандачилик билан шуғулланиш учун шароит яратиб бермоқда.

